



# Plata dla Ploania Rina



Ploan: siur Klaus Sottsas: 3441554055

E-mail: [klsottsas@rolmail.net](mailto:klsottsas@rolmail.net)

Mone: Carlo Ferdigg: 3392612471

E-mail: [plata.ploaniarina@gmail.com](mailto:plata.ploaniarina@gmail.com)

[www.unitepastorala.org](http://www.unitepastorala.org)

2022 Ann C		11.09.2022 - 18.09.2022		n.42
De		Ora	Mëssa	
<b>24. domënia ia por l'ann</b> <i>Helga, Ludwig</i>	<b>11.09</b>	6.30	<i>s. Mëssa a La Pli</i>	
		<b>8.15</b>	<b>Liturgia dla parora</b>	
		8.15	<i>s. Mëssa a Antermeia</i>	
		10.00	<i>s. Mëssa a Al Plan</i>	
<b>LÖNESC</b> <i>Ennom de Santa Maria (Marion, Miriam, Mia)</i>	<b>12.09</b>	19.30	<i>s. Mëssa a La Pli</i>	
<b>MERTESC</b> <i>Notburga, Tobia</i>	<b>13.09</b>	7.30	<i>s. Mëssa a Antermeia</i>	
<b>MERCUI</b> <i>festa dl'Alzada dla Crusc</i>	<b>14.09</b>		<i>degöna s. Mëssa</i>	
<b>JÖBIA</b> <i>memoria dai set dolurs de Maria, Dolores, Ludmilla</i>	<b>15.09</b>	<b>7.30</b>	<b>s. Mëssa di scolari</b> <b>2. mëssa de sopol. † Craffonara Regina,</b> <b>por families de Peter Sottsas,</b> <b>por families de Rosa Castlunger</b>	
<b>VËNDRES</b> <i>Cornel y Cyprian, Julia, Edith</i>	<b>16.09</b>	7.30	<i>s. Mëssa a Al Plan</i>	
<b>SABEDA</b> <i>Hildegard da Bingen, Robert Bellarmin</i>	<b>17.09</b>	7.30	<i>s. Mëssa a La Pli</i>	
		18.00	<i>s. Mëssa prefestiva a Al Plan</i>	
<b>25. domënia ia por l'ann</b> <i>Lambert, Richard</i>	<b>18.09</b>	6.30	<i>s. Mëssa a Al Plan</i>	
		<b>8.15</b>	<b>Liturgia dla Parora</b>	
		8.15	<i>s. Mëssa a Antermeia</i>	
		10.00	<i>s. Mëssa a La Pli</i>	

Notizies y info por la plata: [plata.ploaniarina@gmail.com](mailto:plata.ploaniarina@gmail.com) de jö entro n jöbia da misdè

<b>LETURS</b> domènia	<b>18.09</b>	Vigg Valeria	corona: Vigg Roland
<b>MINISTRONC</b> jòbia	<b>15.09</b>	Lukas, Melanie	

**Rengraziamont:** N bel dilan a düc chi da Tintal, che á tut sö tan bun la prozesciun y la jont che é roada fora en domègna domisdé a mëssa. La festa dedô é ince dër garatada, olá ch'an á ennant podü sté adöm y sontí la comunité, de chëra che nos düc fajun pert y ch'i un debojügn. Le Consëi de Cöra

**Le Raiun Sozial Val Badia** chir personal: 1 pedagogh/ga sozial/a al 50% y 1 assistënt/a sozial/a a tēmp plēgn dal 1° de dezēمبر 2022 inant. Por informaziuns cherdede sö präibel le 0474 524507 – Siglinde Erlacher.

**Le Dotur Agreiter Edo** é demez dai 19.09.2022 cina ai 23.09.2022 por ferias y vegn sostitui dala Dr. Mahlknecht Greta. Tel. Nr. 349 066 7034

Orars Dr. Mahlknecht:

- lünesc a Longiarü (8,15 - 9,15), S.Martin (10,00 - 12,00) y La Val (15,00 - 17,00)
- mertesc a S. Martin (16,00 - 19,15)
- mercui a La Val (8,30 - 10,30)
- jòbia a S.Martin (9,00 - 11,00)
- veindres a S.Martin (8,00 - 9,00) y a La Val (10,00 - 12,00).

**L'Associazion dles Ciasas de Palsa de Südtirol adöm ala Lichtenburg da Nals** mēt da jí na formaziun da operadú/ëssa sozio-sanitar/a, che mēt man ai 7 de novēمبر 2022 y se stlúj jö te UN N ANN cun otober 2023. Na formaziun laorada fora y punsada por: jogn y jones dai 18 agn insö, umes, che dô ester stades a ciasa pro i mituns, oréss ciapé ite te n ciamp nü, porsones che oréss pié ia cun na esperiēnza de laur nöia. Termo da fá l'iscriziun é chëst'edema, ai 16.09.2022.

Deplü informaziuns pro [valentin.erlacher@ciasadepalsa.it](mailto:valentin.erlacher@ciasadepalsa.it) o al 0474-524786.

**Le cor "Mosaic Singers&Players"** d'Al Plan de Mareo organisëia dui conzerc te salff dles manifestaziuns a Al Plan, plü avisa en sabeda ai 17 de setēمبر dales 20:00 y la domènia ai 18 de setēمبر dales 18:00. Le titul dal conzert é "UNITÉ, na varieté de corusc se liëia". Tratan le conzert gnarál cianté y soné deplü cianties che jará ite tla tematica dla unite y dla diversité dles porsones. Tres le conzert oressun se recordé dles porsones che ne l'á nia tres saurida y che mëss combate cuntra na maratia. Ci che gnará trat ite jará a fin de bëgn ales associazions DEBRA y PETER PAN

La domènia, ai 18.09. dales 14.30 éle a La Val la **S. Mëssa en record** dl sorvidú de Di **Siur Heinrich Videsott** y vijita te curta

**Museum Ladin:** En ocasiun di 35 agn dala descriida dl ander de Conturines píta le Museum ladin chëstes manifestaziuns:

- Escurjiun al ander de Conturines (2.750 m) cun esperc, sabeda ai 24.09.2022

Post de incuntada: dales 08:30 dan la Capanna Alpina, San Ciascian.

Düc pó tó pert debann.

En cajo de burt tēmp vëgn l'escurjiun desdita, mo al vëgn pité dales 15:00 na vijita menada tl Museum Ladin Ursus ladinicus.

- Stories de piceres laurs cun Erika Castlunger tl Museum Ladin Ursus ladinicus a San Ciascian

vëndres, ai 23.09.22 dales 17:00

domènia, ai 25.09.22 dales 10:30 y dales 17:00

por mituns dai 3 ai 8 agn, prisc: 3,00 Euro

Por informaziuns y prenotaziuns: Museum Ladin 0474 524020, [info@museumladin.it](mailto:info@museumladin.it)

## INDICAZIUNS POR LE SACRAMONT DL BATO

Le sacramont dl Bato é la fundamonta dla vita cristiana: tres ël vën le viadú delibré dal picé original y tut ite tla gran familia dai Fis de Dîe y tla Dlijia de Gejú Crist. Le Bato ti deur les portes ai atri sacramonc, y mëss porchël gní tut sö cun responsabilité da pert dai geniturs che le damana por sü mituns.



Siur Klaus é ploan de bën 6 cöres: Al Plan, La Pli, Rina, Antermëia, San Martin y Longiarü. Al ne pó porchël nia ester dagnora a desposiziun, y gnanca acontenté les ghiranzes de düc.

I Consëis dles 6 cöres á orü mëte jö en valgünes indicaziuns che dess gní tignides ite dales families che ó lascé bacé n viadú.

- Tles cöres vën le sacramont dl Bato aministré en iade al mëns, dal ploan siur Klaus, mo ince da so colaboradú, siur Heinrich (por San Martin y Longiarü).
- Le Bato vën aministré la domëgna domisdé, tla dlijia de paîsc, che rapresentëia le post, olache la comunité cristiana se endüna y olache al é la fontana dl bato. Le calënder dai dis de Bato vën publiché sön la plata de ploania.
- Le mëns che al n'é nia Bato tla cöra de residënza dla familia dal viadú, pó i geniturs damané le Bato te n'atra cöra.
- Al é sambën la poscibilité da lascé bacé le viadú tratan mëssa dla domëgna, y cösc foss zonzater n bel sëgno por döta la comunité, che tól ite na creatöra nöa danter ëra.
- Le families dess tó sö contat personal con siur Klaus adora assá, y nia por telefon.

- Al ti vën recordé ai geniturs dai viadús da bacé, che al é preodü en pice curs de preparaziun al sacramont (chël che vën pité tles ploanies a nivel de valada).
- Chi che á endere d'atres esigënzes, dess se chirí en prou, se mëte a òna cun i moni dla dlijia de ploania olache ai batiëia, y dess se fistidié da le comuniché personalmonter a siur Klaus, por la publicaziun dal Bato sön plata dla ploania y por che düc i documonc sides apost.

### **Le ploan, siur Klaus**

**adöm ai presidënc dai Consëis de Cöra d'Al Plan, La Pli, Rina, Antermöia, San Martin y Longiarü.**

### **Calender dai Bati tles cöres de siur Klaus Sottsas**

8 de otober	h. 14.00	<b>Antermöia</b>
15 de otober	h. 11.00	<b>Al Plan</b>
6 de novëmber	h. 14.00	<b>La Pli</b>
4 de dezëmber	h. 14.00	<b>Rina</b>
8 de jená <b>2023</b>	h. 14.00	<b>Al Plan</b>
5 de forà	h. 14.00	<b>Antermöia</b>
5 de merz	h. 14.00	<b>La Pli</b>
13 d' aorì	h. 14.00	<b>Rina</b>
7 de ma	h. 14.00	<b>Al Plan</b>
4 de jügn	h. 14.00	<b>Antermöia</b>
3 de messé	h. 14.00	<b>La Pli</b>
6 d'agost	h. 14.00	<b>Rina</b>
3 de setëmber	h. 14.00	<b>Al Plan</b>
8 de otober	h. 14.00	<b>Antermöia</b>
5 de novëmber	h. 14.00	<b>La Pli</b>
3 de dezëmber	h. 14.00	<b>Rina</b>